

南溪縣志卷之三

疆域志

界至

形勢

山川

水利

風俗

古蹟

寺觀

南溪縣志

冢墓

卷三 疆域志

周書有言慎固封守申畫郊圻周禮有掌疆掌固諸官是知畫井分疆非細務也凡有守土之責者宜先務乎此經界既正而審其形勢度其道里凡在境內之山川可得而指數矣由是而以利民生班氏所以志溝洫也以觀民風應劭所以紀風俗也至於廢宅遺臺可以景行賢喆琳宮梵宇可以增益標勝在疆域之內者例得備書南溪雖僻小而在邑在野此數大端亦規模具備因徧徵舊籍

詳著於篇作疆域志

界至

在布政司東南九百里在府東一百一十里東西距九十里南北距一百二十里東至直隸瀘州江安縣界二十五里西至宜賓縣界七十里南至長寧縣界五十里北至富順縣界七十里東南至江安縣界三十里西南至宜賓縣界七十里東北至直隸瀘州界一百里西北至宜賓縣界八十里南溪居府治疆域之中西南焚莽苗獠則隔以大

南溪縣志

卷三

疆域志

二

江且有長寧興文慶符筠連及高珙六邑爲之屏障東北則與江安瀘州富順宜賓相接壤無有大箐險山其汛防把總駐居城內別無分駐亦無歷代營壘故址及團寨遺蹟因附載界至之後

形勢

龍騰之淵旋於左桂輪之山環於右

通志

俯大江而平眺海樓則烟雨迷離仰石磴之盤紆

雲臺則嶙峋突出

學宮碑

桂山蔚秀蓉水清漣

廟碑

山川

龍騰山 在縣東二里下瞰大江其北有石橫空長四丈許俗呼為龍橋山半有洞深四丈相傳李八百所鑿額鐫曰李公洞八分體字畫道勁可觀洞下有岑參別業蓋參罷嘉州守時寓此有別墅詩詳藝文

平蓋山 在縣西十五里其地有三山九隴惟此特出眾山之上山頂圓平似蓋明統志一名牛心山一名瑪瑙山漢真人劉景鶴隱此煉丹有石洞

南溪縣志

卷三

疆域志

三

深邃上有石穴圓如琰有水出焉取之不竭又有木葉紋如篆謂之符葉元和志平蓋山在南溪縣多荔枝

龍磨角山 在縣西六十里其山巉崖有劃破跡相傳龍嘗於此磨角故名

桂輪山 在縣西七十里石壁上有黃庭堅書大桂輪山四字明戴弼有詩詳藝文

琴山 在縣南隔江二里狀如琴橫洲渚間俗云無徽則琴不鳴元時熊萬戶者乃聚土為徽依巖

閣刻羅漢諸像以成其勢

可廬山 元和志在縣南五十里山多筇竹蜀志補遺作可無山今訛可廬山

瑞雲山 在縣北二里雲氣常結而不散故名

雲臺山 在縣北八十里明進士江忱唐佐讀書於此元廖蜀望有詩詳藝文

隱山 在縣東南王象之輿地紀勝在縣東南逾江七里

龍透山 在縣東十五里山腹有洞穴深廣十餘

南溪縣志

卷三

疆域志

四

丈其石紋斑駁陸離凸凹蜿蜒如卧龍盤屈於中鱗甲宛然蠕蠕欲動

龍透洞 在縣東北三十里一石橫飛中空直過南北相望軒廠開明春則雲氣吞吐夏則涼颺兩腋秋則桂影平穿冬則寒烟雙引壁間一勺之流迸石而出青冽香美遊憇其際真別有洞天南溪第一奇景也昔人題詠頗多年深剝落無存王大騏有詩刻石尚存詳藝文

鳳鳴山 在縣西七十里明建有鳳鳴寺邑人牟

志夔有碑記今圯

芙蓉山 在縣北六十里在凌雲寺後狀如芙蓉
每於雨後烟霽中尤靄靄多態

鐵峯山 在縣北六十里

獅子山 在縣南五十里

象鼻山 在縣西南五十里

聯雲山 在縣北八十里與雲臺山迤邐而來雲
氣常聯結不散故名

獅子抱毬山 在縣北八十里雲臺山之右聯雲

南溪縣志

卷三

疆域志

五

山之左有巨石如毬山形蜿蜒曲抱狀如伏獅故
名

鳳凰山 在縣北里許形似鳳凰首尾兩翼俱全

明萬歷三年知縣陳忠改建學宮於此即唐楊發
書院遺址嘉靖十一年勅建敬一亭於右豎程子
四箴碑四通真氏心箴碑一通上諭碑一通及創
建碑記尙存今復遷學宮於此

石龍山 在縣東十五里頂有石峯高五丈許傍
有巨石如盤龍狀俗名雞罩山

龍寶山 在縣東十五里其山卓立端嚴憑闔觀
望圓如彈丸故名龍寶

天井山 在縣西南六十里

千伏山 在縣南五十里

香爐山 在縣東北四十里

二郎山 在縣東南十里

紗帽山 在縣南二十里

觀斗山 在縣東十五里此山高十餘丈其上寬

平嘗有土人墾地得箭簇無數相傳諸葛武侯曾

南溪縣志

卷三

疆域志

六

觀星斗於此

天馬山 在縣東三十里有奇數山蟬聯一山前

仰後俯形如駿馬登坂邑人呼爲朝天馬

獅來山 在縣南隔大江五里一峰突起狀如獅

首故名

幞頭山 在縣北二十里脉自雲臺山蜿蜒而來

千巖競秀萬木爭榮至幞頭山岡巒突兀形似巾

幘因名

鐵柱山 在縣西五里脉自幞頭山麓之穴臺坪

來約十里許突起峯巒形如鐵柱前繞大江左右
雙溪如帶

大江 自嘉定府犍為縣流入東南流逕宣化故
城北又東遠府城北而東南出合馬湖江又東逕
南溪縣南又東南入瀘州江安縣界酈道元水經
注江水自武陽又東南逕犍道縣北若水流水合
從西來注之又東與符黑水合又逕漢安縣北元
和志汶江流逕犍道縣東北又逕南溪縣南皆去
縣十步

南溪縣志

卷三

疆域志

七

按江源有三大支自上游滙合東下過此一來於

岷山名岷江又名導江地志江源發蜀郡蒲氏道

西徼外今茂州汶川縣江水所出也

水經注云江
水逕汶出道

汶出徼外岷山西玉輪坂下而南
行又東逕其縣而東注於大江

地理今釋岷山

跨古梁雍二州自陝西岷州衛以西大山重谷豁

訝起伏西南走蠻箐中直底四川成都府西境凡

州之雪嶺灌縣之
青城皆其支派

逕流眉州至嘉定府城東南凌

雲山下雅河水合之逕流犍為縣至叙州府城北

繞東與金沙江合東下南溪縣

一來於雅河
輿方

勝覽雅江以州亦名銅河蜀水經注以水自靈關

名故曰雅河來華陽國志靈關有劍

山故一曰青衣水後漢書雅故又大渡河寰宇記

從生羌來方輿勝覽解曰大渡水以溪各一統志

解曰蘆山往來必渡此水故名大渡舊名泚水訛

泚水一名沫水亦名陽山江源出松潘西徼外流

經諸夷地過瀘定橋經越嶲出清溪屬松坪土司

之大板房至峩眉縣中鎮舊省志又禹貢和夷底

各中鎮河按諸水俱合雅河者

績集傳和水今雅州榮經縣北和川水自蠻界羅

崑州東西來逕蒙山古蒙山在雅州所謂青衣江

而入岷江者也自嘉定府城一來於雲南之金

沙江禹貢華陽黑水惟梁州集傳引地理今釋黑

南溪縣志

卷三疆域志

水即今雲南之金沙江其源發於西蕃諾莫渾五

巴什山分支之東曰阿克達母必拉南流至塔城

關入雲南麗江府境東南流至姚安府大姚縣之

左却鄉北打冲河自鹽井衛來會之又東入四川

境逕會川衛南又東至東川府西折而東北流逕

烏蒙府西北馬湖府南又東逕叙州府南入岷江

以上三支滙流東下至南廣口符黑水南來注之

漢書地理志南廣縣汾關山符黑逕南溪縣城南

水所出北至熨道入江即此水也

東流入直隸瀘州江安縣西界

青衣水 在南溪縣寰宇記在南溪縣南一里四步方與勝覽青衣江在南溪縣南十五里古有青衣國與叙州相鄰其人因賈至蜀見漢衣冠遂求內附江因以名焉舊志有九盤溪在縣南三十里源出長寧縣鐵頂寺北流四十里與夔溪合夔溪在縣南二十里源出下界石碑頭下流二十里與九盤溪合二水合流是爲青衣水又新志水北入江謂之青衣江青衣江口在縣東二里

按水經青衣水出青衣縣漢青衣縣爲今雅安蘆

南溪縣志

卷三

疆域志

九

山地武帝罷沈黎郡置西都尉一治旄牛王外羗一治青衣王漢民是水由今蘆山歷雅安西境北入洪雅界又東南入夾江又東至樂山縣西合於陽江卽大渡河下流也漢安帝延光元年青衣王子心慕漢制上求內附順帝陽嘉二年改郡名曰漢嘉以此而明統志南溪縣南二十里有夔溪源出下界石碑頭下流與九盤溪合是爲青衣江四川新舊志南溪東十五里有青衣江古青衣國與叙州相鄰見漢衣冠遂求內附江因以名方輿紀

要蜀以青衣名江者凡三一在漢嘉漢書公孫述
據蜀青衣人不賓是也一在青神以蠶叢氏而人
神之也一在南溪與青衣國鄰其人慕義來此因
以名之然通志云在縣東十五里又云溪口在縣
東二里考南溪縣東附郭有大小二溪其源委皆
與青衣水之說不合至九盤溪又在今縣北而縣
南亦無九盤溪之迹據云在縣南三十里源出長
寧北流與夔溪合而夔溪又在縣西四十里縣南
長寧之水又何能與夔溪合以今考之夔溪在今
縣西大江北水南流入江下游十餘里對岸有三
江磧在大江南水北流入江其源自長寧鐵頂寺
來北流四十里出三江磧磧在今縣西南三十里
意即古青衣水也舊通志云在縣東十五里者蓋
據古南廣縣今之李庄鎮言之也其云與夔溪合
者蓋與夔溪對岸同合大江也

福溪 在縣西四十里源出宜賓縣高洞鄉南流
六十里繞縣西北境逕黃沙河石骨灘至茹溪流
合大江一名夔溪武侯征夔蠻於此故又名服溪

唐劉崖爲郡都督改今名

大溪口 在縣西關外里許一名桂溪源自縣高熊里之牛角崑其地林木深箐亂水爭流下爲深潭由千坵旁溢出循山岸曲瀉繞朝陽洞約二十餘里會雙溪橋一自龍頭鋪小溪逕墓母灘東下長腰山曲折至雙溪橋會焉二水合流經邑西五里許桂溪橋斜繞城西岸會大江

大溪 在縣東關外里許源自邑高熊里之朱向二漕其地山極高峻兩山之下每春夏霖雨傾注

南溪縣志

卷三

疆域志

十一

田水滙於龍灘口又去朱向二漕里許地名穿底壩四面皆山中央深陷田地各半週圍約十里有竒霖雨驟集漲深數尺其地每多漩渦水從底洩亦滙於龍灘口逶迤而下繞開元寺山脚由九盤溪橋盤屈旋轉歷五十餘里自北而東出

小溪 在縣東關外武侯祠左數武溪流繞郭源自幞頭山麓之穴臺坪逕石灘橋滌洄旋轉至瑞雲橋正北逕迎恩橋逕鳳翔皇都兩橋護郭曲瀉至縣東會大江

九盤溪 在縣北 舊志作縣南誤 昔有童子遇龍翁於此

水勢灣環不啻黃河九曲故名其溪曰九盤迄今

有上九盤中九盤下九盤之說至縣東會大江源水

詳上大溪

馬湛溪 在縣東十里源自龍寶山逕漆家溝望

龍山出馬湛溪合大江

仙源池 在縣北相傳劉景鶴煉丹初用此水今

缺考

芙蓉池 在縣北三十里龍頭堡新洞寺後

南溪縣志

卷三

疆域志

十一

魚津 一名魚符津按郡國志云南溪縣西三十

里有津津南有鴛鴦圻是也益部耆舊傳曰樊道

有張貞娶黃氏女名帛因乘船過江船覆沒帛求

夫屍不得於溺所仰天長嘆遂自沉焉積十四日

帛乃持夫手浮出灘下顏色如生因名鴛鴦圻

銅鼓灘 在南溪縣東明統志在縣學東縣學舊

未利近世灘之上流有石磧生高數十丈壅水自

巽方而去自是文物大振舊志在縣東十里又縣

東三里有九龍灘石磧凡九皆狀如龍頭

石筍灘 在縣西三十里江漲險甚窮冬水落岸有石長數丈如筍

鹽井 九域志南溪縣有登北井今廢

葫蘆井 在縣西北三十里劉景鶴嘗取此水煉丹鑿井口如葫蘆故名今形尙存土人猶汲水於此

飛霞井 在飛霞閣西阜上嘗有赤飈自井中貫日觀者如堵

孝子石 寰宇記在南溪縣隗叔通熨人性至孝

南溪縣志

卷三

疆域志

三

母食必須江水通每汲苦湍流迅急江心忽湧出一石汲水甚便水經注石西縣人有隗叔通性至孝爲母汲江膺水天爲出平石可謂至誠發中而休應自天矣

乞子石 寰宇記在南溪縣兩石對立如夫婦東石從西乞子將歸俗云人無子禱之則應

朝陽洞 在縣西六十里

水利

合堰 在縣北五十里其源一自老虎洞逕向家

漕馬頸均一自龍洞灣逕龍塘灣二水俱從象鼻
山合雙江橋逕紅廟子龍逃一路延沿決渠引水
灌溉甚廣逕迤至九盤溪通計可溉田萬餘畝
海棠堰 在縣東十五里源自天馬山逕龍透大
龍逃白灘子一路逕迤至海棠堰出觀橋普門壩
會黃龍溪合大江沿流引汲可溉田六千餘畝
福堰 在縣大江東南七里許源自隱山之青水
塘下崖逕五斗冲過福堰橋北流出大江合銅鼓
灘源委十餘里可溉田千餘畝

南溪縣志

卷三

疆域志

古

鄧家溝堰 在縣大江西南五里許源自觀音崑
下鹿子洞至鄧家溝分注蘆亭之上下壩上壩逕
流洞子溪出大江下壩逕流盤龍溪總積壩出大
江源委各十餘里可溉田三千餘畝
九盤溪 在東關外大溪沿溪一帶低處堵築引
水溉田高處用木車俗名龍骨車翻汲源委數十
里溪邊之田俱可灌溉難以畝計

馬湛溪 在縣東十里沿流可溉田千餘畝

羅龍池 在縣西三十里有上中下三池相連如

貫週遭可五六百畝每當秋穫後山水途集皆滙注於中三池渾若一池遠眺瀰漫狀如煙海兩岸居民以小艇相往來恍入西湖佳勝夏初隄防疏流沿曾家壩而下可溉田三千餘畝而三池仍以藝稻縣境稱沃壤焉

碗廠堰 在縣北三十里水從老鷹巖出碗廠溝三派分流右灌小庄基中灌老鷹壩左灌洗馬凼三派可溉田三千餘畝

按南溪地少平原田多犂确農人或數家沿溪爲隄以資挹注或一家倚陂爲塘以濟旱乾取水之法不一類多出桔槔之智焉視川西之活水分流沃野千里固不逮然桔槔雖甚勞而灌溉之利亦溥矣

風俗

人心淳龐民俗古樸

通志

士習

蜀自文翁興教風化幾同齊魯南溪於蜀隸東南隅魏晉唐宋間志乘無傳前明二百七十餘年中

據今可考之數膺鄉薦者九十餘人登黃甲者二十餘人文章宦業忠義孝友猶昭昭在人耳目兵燹後故家舊族百無一存我

朝勞來撫綏方幸安集復遭吳逆叛康熙十九年始行恢復四十二年諸生郭維垣初膺鄉薦亦文教中剝復之會也自後士爭刻厲科名亦頗慶接薪其名教中說禮敦詩植綱常而飭箠罍蓋者士林交重之至於寡廉鮮耻縱欲營私之流每不容於眾口云

南溪縣志

卷三

疆域志

六

農事

書作無逸詩陳幽風重農事也古者司徒定井牧匠人治溝洫縣師別田萊以及辨種種修稼政趣耕耨懲惰遊無非加意農事耳邑境山多於田峻嶺夾溝之中卽有沃壤一遇水潦禾稼盡爲淹沒其平原之地又少塘堰夏旱則難插秋旱則難收然氣候較早於西北黍稷稻粱必因其土之性耕耘刈穫須協乎天之時其中勤惰既分豐歉亦異大約土著之民多依山耕田新籍之民多臨河種

地種地者栽煙植蔗力較逸於田而利或倍之然力田之子弟利微而不敢懈種地之子弟利厚而或易驕此又農事中本末之辨也

工役

周禮載考工九經來百工古者制器尙象以前民用百工之技原不可少邑之工役城鄉散處諺云一藝當三功故攻金攻木攻皮以及陶瓦刮磨織造設色之屬所在皆有計所獲之值自必倍於傭僱然承平日久踵事增華古者力勤守儉日用器

具大都尙樸素不侈華囂但自日染文飾一切服物製器動以綺靡相誇匠石之精巧又轉相傳授愈出愈竒在所不免不知雕文刻鏤傷農事錦繡纂組傷女紅賤侈貴飾非法也蓋工以造器器以適用惟取足於用可也

商賈

周禮太宰以九職任萬民一日商賈所以阜通貨賄羨補不足也邑經兵燹後土著無多鄰省徙家流寓遂入籍貫其無恒產之民不能禁其不逐末

以營生故行商坐賈積貨居奇所在多有但同度
量鈞衡石角斗甬正權概禁其鬥囂止其毘亂原
有平市之法至山珍海錯糜麗奇袤舟車運載壘
斷是登膏梁子弟競爲艷慕而布帛菽粟之風漸
趨僭侈矜張之習則崇儉抑奢其道宜亟講焉

冠禮

古者男子二十冠而字今則不拘年齒於成婚前
一日主人延集親友請鄉前輩之顯達者一人爲
大賓儼相四人設冠席於東隅設賓席於西隅先

以祝文告祖迎賓行三加禮大賓祝冠而命之以
字冠禮畢行醮禮戚友各以花紅酒饌登堂致賀
冠者先拜父母遍拜尊長畢設讌款洽曰飲富貴
酒

婚禮

婚禮有六納采問名納吉納徵請期親迎是也南
邑惟不問名但免媒氏求某家第幾女爲某第幾
子配亦問名之意女家既許諾男父卽以名帖並
豚肩束帛等物往拜俗謂揀香亦納徵之意女父

復亦以名帖答拜俗謂換書將婚之歲男家先期備禮儀厚薄不等央媒請庚旋卜婚期先送報女家亦請期之意至親迎少有行者惟臨婚時男家再備儀物亦豐儉不等遣子弟嫗禮者二三人偕媒氏率鼓樂絲轎往迎謂之接親女家行奠雁禮畢亦以嫗禮子弟二三人導絲轎至壻門先送衣冠奩具拜納謂之裝郎引新婦登堂拜天地次拜祖先次男女交拜謂之週堂以兩婦執燭引入室行合巹禮是日以喜讌款客次日拜舅姑及諸尊

長或以巾履等物爲贄者更有自童時憑媒聯姻卽迎女過門俟成人卜期婚配謂之并長其禮少殺但絕無以財行聘者異省客戶間有之莫不嗤其無恥邑民雖貧不樂效也

喪禮

喪禮稱家有無大小二殮民間鮮行棺槨多用杉栢衣衾用綢緞布疋不等舊俗於葬前一日開奠無親踈悉破布纏頭謂之散孝否則詆其吝率用僧道設靈不設主三年服闋設醮事謂之除靈士

林中亦多能遵禮者而習俗牢不可破自乾隆五十年間士紳刊刻朱子家禮並繪服制圖布散懲警之舊俗漸改近俗凡喪四日成服訃告親友葬前一二日親友具賻儀致祭喪家以禮款之但服制以外者不加以帛設神主於葬期前或請官長或請鄉紳有名望者在家題主不詣塋地葬後三日率子孫墓祭謂之後三至畢七百日祥禫諸事雖未悉合家禮然較前覺爲丕變其有感於風水久停不葬者人必指其不孝獨用浮屠設齋醮雖

詩禮家尙多從俗未能驟革也
祭禮

士庶祭始祖遠祖僭也然禮緣義起誠敬與否存乎人古人以四仲之月設祭南邑用俗節於新年清明墓祭食祭餘而歸中元除夕家祭俱焚楮賻祖父生忌兩辰在家饌祭亦有世家繁族間立祠堂置祭田春秋二分合祖禩以上分昭穆別男女設饌出主於庭迎神侑食送神畢合族食祭餘亦庶幾孝思之是展云

十二月村市節序賽會

正月立春先一日縣令率僚案迎春於東關外祀
勾芒春官着絲衣跳舞說吉利街市諸色人演高
裝舞燭龍爲前導士女競觀如堵不啻終歲之勤
一日之蜡本日鞭土牛至碎謂之打春其日宜晴
農謠云打春晴一日農夫不用力

元旦男女皆蚤起肅衣冠陳香燭牲饌果酒於庭
拜天地家神祖先卑幼拜尊長名曰拜年爆竹開
門向吉方拜禱名曰出行沿門投刺名曰賀新年

南溪縣志

卷三

疆域志

三

至十五日取門錢綵勝焚之名曰燒門丞紙其一
日爲鷄二日爲犬三日爲猪四日爲羊五日爲牛
六日爲馬七日爲人八日爲穀九日植竿燃燈謂
之九皇燈至望日爲上元道家以此日爲天官賜
福之辰城鄉皆以紙糊竹龍竹馬及魚蝦獅象然
燭其中鼓樂喧闐百劇皆作謂之鬧元宵入夜後
以米粉作團漬餠其中祀天地家神然後男女合
食謂之餉元宵

二月三日記

文昌縣鎮印塾各醮金宴會是月

開春釀招客宴飲互相酬答謂之請春酒十五日
爲花朝月令廣義云唐宣德二年二月十五御製
花朝詩賜裴尙書又爲勸農日此夜不宜雨至春
分日各祀先於家其新籍之民有合族建祠迎主
以祭者謂之春祭

三月三日爲上巳辰至清明前後十日祭先塋修
墓之圯者男女携小兒簪柳於頭挈壺掛紙食祭
餘歸謂之上墳清明日宜晴農家於春分日漬種
七日落泥七日晒芽故俗語曰泡春分晒清明

南溪縣志

卷三

疆域志

三

四月立夏日宜雨起東風主穀熟諺云立夏不下
犁頭高掛其小滿日尤忌晴有小滿不滿芒種不
管之謠

五月五日爲天中節以箬葉裹糯米爲角黍親友
互相餉遺俗曰端午又曰端陽插蒲葉懸艾虎於
門各家飲菖蒲雄黃酒午後游郊外取百草煎湯
澡身曰辟毒剪綵組織爲囊盛香懸小兒衣背上
曰辟兵古謂是日爲惡日生子不舉今不復忌按
角黍之設及龍舟競渡所以弔屈原楚俗也蜀楚

接壤俗相似今則天下皆然其芒種日有雨主多蝗亦名迎梅雨主旱諺云梅裏寒井底乾

六月六日為天貺節曝書晒衣服祀楊四將軍俗稱

鎮江王爺舟人尤極虔禱是日宜晴小暑日亦宜晴逢雨則謂

之倒轉黃梅主水二十四日為川主會祀蜀太守

李冰及其子二郎伏日忌西北風主秋稻糝冬冰

堅諺云伏裏西北風臘裏船弗通

七月七日士子作奎宿會是夕女子祀織女俗稱

會期婦女結綵縷穿七孔自十三日至十五日為

南溪縣志

卷三

疆域志

三

中元節又為鬼節浮屠氏設盂蘭會各家具香燭

楮賻酒饌拜祭祖先俗稱七月半

八月白露日不宜雨稻沾之則粒糝蔬沾之則味

苦 秋分日宜小雨天陰東南風主歲稔是日宜

在社前諺云分後社穀米遍天下社後分穀米上

錦墩 立秋五戌後為秋社望日為中秋節親友

以瓜餅梨藕相餽設酒食賞月少年取瓜塗五色

鼓樂送艱嗣者徹夜交馳最宜禁 二十七日祝

至聖先師聖誕瞻拜畢文人會飲祭餘

九月九日爲重陽節是日登高邑人士間有行之者各以糯米釀酒備來歲需謂之重陽酒 霜降日農人滌耒耜藏於室謂之洗泥

十月朔日民間製紙衣冠衾履徃墓間化之謂之送寒衣是日祀牛神謂之牛王會蒸糯米擣糕飯牛並粘牛角令其臨水照見則喜其酬力 立冬日遇西北風王來歲大熟諺云冬前霜多來年蚤稍好冬後霜多晚稍好 小雪日宜雪不宜雷諺云十月雷露白雨來催

南溪縣志

卷三

疆域志

三

十一月朔日有風雨宜於麥 大雪日不宜值朔冬至日日南至景漸長故曰長至各祀先於家士拜師傅卑幼拜尊長曰賀長至

十二月俗稱臘月宜雪諺云若要麥見三白按禮傳夏曰嘉平殷曰清祀周日大臘秦曰臘臘者獵也田獵取獸以祀其先也或曰接也新故相接以報功也 大小寒日忌風雨八日以魚肉菜蔬麪麥雜項會煮曰臘八粥 二十四日爲王侯臘俗稱過小年先日僧道送年䟽至二十三、四日燃䟽

祭竈俗云餞竈神上天自二十四日至除夕皆可
祀先合家團圍飲食伯叔兄弟以次相招集飲曰
吃年飯親友相過曰辭年貼門神掛五色紙諸綵
勝於戶凡牛馬廐猪欄鷄栖倉籩耒耜之類皆貼
紙錢滿貯水於甕儲新年飯食男女圍爐達旦不
時放爆竹曰守歲山農多以木柴置門外元旦開
門拾之曰有財

古蹟

南溪故城 在南溪縣西元和志縣西至戎州五

南溪縣志

卷三

疆域志

三五

十五里本漢熨道縣地梁於此立南廣縣屬犍爲
郡隋仁壽二年改爲南溪縣避煬帝諱也唐書地
理志戎州有奮戎城乾符二年置宋史地理志南
溪縣乾德中移治舊奮戎城寰宇記縣在州東一
百二十里以在熨溪之南爲名 按舊志有奮戎
州在今縣西七十里舊置李庄驛於此蓋卽唐時
縣治以其嘗爲州治故名今治卽奮戎地也或謂
奮戎城在府南誤又舊唐志寰宇記謂本南廣縣
周於廢縣置南武戍隋改龍源戍後置爲縣與隋

志元和志皆不同未知何據

岑參別業

名勝志在龍騰山下參從明皇幸蜀

尋守嘉州後罷寓此成化中掘得斷碑有南溪州

三字傍題唐人岑參別業自為詩詳藝文

涼署亭

在縣東龍騰山有黃魯直書涼署亭三

大字今廢

鷺鷥磧

在縣西七里俗名露屍磧漢黃帛氏持

夫張貞手同出灘下即此

愛蓮亭

在縣城內泮宮西今廢

南溪縣志

卷三

疆域志

三

敬一亭

在鳳凰山學宮後

清虛閣

在縣北今廢

濯纓窟

在縣東五里後擁龍騰前臨錦水每當

春夏之際撫馭綠波漪漪可挹明邑令高暘因刻

石題之

鴛鴦圻

在縣西三十里即黃氏女沉水尋其夫

屍處晉永和三年桓溫軍至青衣李勢發兵拒之

其將咎堅引兵自江北鴛鴦圻渡向犍為即此通

志作縣南誤

過兵灘 在縣西南二十里相傳邑人侯良柱提
師靖寇於此駐兵一日里門在望不暇過問也邑
令作詩送之刻於石今剝落惟傳全川父老望旌
旗之句

影海樓 在縣南岸一名水月樓濱琴山之江有
巨石焉在水者仰而立在山者俯而踞明浮屠隆
月因山石穴其中列以神像接以堂宇植以叢篁
隱然世外氣象昔人游覽石刻甚夥今剝落不可
辨惟存李廷龍崔棟水月樓詩並劉景寅劉忠及
後人詩序記跋俱詳藝文

南溪縣志

卷三

藝文志

七

南溪古臺 在縣西唐楊發家於此有詩詳藝文
琴臺 在縣中學宮旁唐進士楊發彈琴於此相
傳瘞琴其下父老言每聞琴聲必多科第
飛霞閣 名勝志在黃烈婦西阜上有飛霞井嘗
有赤虺自井中貫日觀者如堵因建飛霞閣焉今
廢

李公洞 在縣東三里龍騰山腹有石洞空濶深
十餘丈中有丹爐石竈石壁題刻甚多皆剝落無

存惟洞口刻李真仙人迴文詩詳藝文

仙源壩 卽今縣城古名仙源壩

古碑記 附

黃山谷晤軒石刻舊志存南溪資聖院今缺考

八景 附

琴山松風 縣南岸一山隔江橫亘如眠琴於上

徽軫宛然種松千頭蒼鬱可愛四時風濤偶過不
宮撫琴一弄邑令崔光儀因於城闈之上顏其樓
曰聽琴

南溪縣志

卷三

疆域志

三

蘆亭晚渡 渡在縣西南對岸上爲蘆亭壩小艇
往來傍晚尤多每當鴉噪夕陽風來水面榜人蕩
槳則欸乃時聞行客揚帆亦行歌互答溫庭筠利
州南渡句云柳邊人歇待船歸宛繪寫其概

海樓煙雨 縣南琴山之側危巖半開中空如室
昔人倚巖爲樓俯臨大江名曰溟海當天朗氣清
凭欄遠眺西攬桂輪之勝東挹瀛洲之竒及陰雲
四布煙雨迷離隔江遙望如蜃樓如海市不可端
倪云

龍騰晚照 縣東里許二溪匯流兩山聳峙實爲
東隅屏障四時晴霽返照入江光騰峭壁閃閃盪
目其下爲濯纓巖巖左爲李公洞石牀丹竈俱在
皆勝蹟也

仙觀晴霞 觀與龍騰相連舊名第一山朝曦初
起觀頂晴光遙射千態萬狀不可方物舟行者挂
席其下望之以爲不啻赤城云

鎮瀾夜月 縣東八里許中流有洲建閣於上曰
瀛洲當秋水澄清皓月初升自瀛洲而上雖萬頃
波瀾西來東瀉而水月交映如一片琉璃朗然鎮
定誠一邑之勝也

南溪縣志

卷三

疆域志

五

瑞雲鬣鬣 縣北里許山曰瑞雲橫眠成嶺或凹
或凸如魚鱗之疊如鳳翼之懸輪囷離奇繚繞縹
紛惟帝世札縵歌差足髣髴其妙

桂溪釣艇 縣西五里許有大溪源頭活水汨汨
乎來清可鑑影游魚撥刺其中真纖鱗不隔也昔
兩岸多叢桂秋月花開香聞數里明新都楊升菴
偕邑人劉景寅昆季嘗泛舟垂綸於此

寺觀

萬壽寺 在城中大街宋熙寧間建明嘉靖中重

建

廣福寺 在城西大街宋熙寧間建明嘉靖中重

建

天后宮 在城南順城街卽福建會館

萬壽宮 在城南順城街卽江西會館

南華宮 在城南順城街卽廣東會館

禹王宮 在城北水池街卽湖廣會館以上俱雍正中建

南溪縣志

卷三

疆域志

三

榮祿宮 在城南錦江門內卽貴州會館乾隆中

建

三元宮 在城桂花街明崇禎中建

三清殿 在城西大街明崇禎中建

魯班廟 在城西門內

三皇宮 在城南廣福門內乾隆四十年建

藥王廟 在城北街武廟側

龍騰寺 在縣東三里卽龍慶寺建自唐宋歷元

明增修

玉皇觀 在縣東三里明時建

觀音閣 在縣東五里乾隆四十年建

普惠寺 在縣東十里

三教堂 在縣西關外乾隆四十七年知縣楚維

榮重建

觀音寺 在城東北隅明隆慶五年建

桂溪寺 在縣西五里明萬歷中建

萬松菴 在縣西十里

旋螺殿 在縣西十里明時建

南溪縣志

卷三 疆域志

三

積慶寺 在縣西北四十里宋時建

羅龍寺 在縣西四十里

龍王寺 在縣西北四十五里明萬歷中建正殿

後有石洞廣丈餘相傳有龍見於此因名

幞頭寺 在縣北二十里

望水寺 在縣東北二十里

留賓寺 在縣東三十里明正統元年建有邑進

士楊璞撰文詳見藝文

白雲寺 在縣東北五十里有邑令高賜碑記詳

見藝文

凌雲寺 在縣東北五十里明天順七年建

朝陽菴 在縣西六十五里

朝陽洞 在縣西六十里

仙臨寺 在縣東北三十里明嘉靖元年建有邑

令高賜詩

圓覺寺 在縣東北五十里明洪武中建

開元寺 在縣北三十五里明正德十五年建

清香寺 在縣北四十五里明宏化初建

南溪縣志

卷三 疆域志

三

萬佛寺 在縣北四十五里明宏化初建

石鼓寺 在縣北七十里鐵峯山

侯家寺 在縣北四十里有邑人侯良柱碑記今

地

天宮菴 在縣北觀音鋪明萬歷四十六年邑人

侯良柱重建邑令唐良棐撰文今地

昊天觀 在縣南八十里明天啓二年建

龍巖寺 在縣南六十里今名楚皇寺洪武二年

建

龍船寺 在縣南七十里明洪武元年建寺有鐵柱一相傳為仙所留至今猶存

峰頂寺 在龍船寺後雍正五年建山形聳翠峭削摩天

高峯寺 在縣南六十里明萬曆中建

雲頂寺 一在縣南六十里雍正三年重建一在

縣南一百二十里明時建

普照寺 在縣南六十里康熙十五年重建

鸚嘴寺 在縣南三十里宋時建

南溪縣志 卷三 疆域志

三

寒蓬寺 在縣南三十里明萬曆中建

洞真觀 在縣南三十五里明天啓中建

蘇家觀 在縣南四十里明宏化中建

萬年寺 在縣南五十里明萬曆十九年建

岱宗廟 在縣南五里宋時建明嘉靖中重建

石牛寺 在縣南二十里

二郎廟 在縣南十五里

水流寺 在縣南十五里嘉靖中建交長寧界

永峯寺 在縣北三十里

毘盧寺 在縣南二十五里明洪武二年建

東嶽廟 在縣西李庄鎮創自前明歷正德嘉靖

萬歷重建今歷年培修

慧光寺 在縣西李庄鎮創自前明今歷年培修

土主廟 在縣西李庄鎮創自前明今歷年培修

白花寺 在縣北十五里

地藏寺 在護國山縣南一百二十里明萬歷中

劉郭二將軍征珙戎夷寇駐兵於此

崇善寺 在縣西南八十里

南溪縣志

卷三

疆域志

三

聯雲寺 在縣北八十里明泰昌元年建康熙六

十年知縣王碩輔重建

資聖院 見舊通志今無考

家墓

漢烈女黃氏名帛與夫張貞合墓 在縣西關外二

里許地名黃帛坎知縣段玉裁翁霑霖重修刻誌

建坊

明廣西參政邑進士劉信墓

戶部郎中邑進士劉忠墓

陝西參政邑進士劉景寅墓

御史邑進士劉景宇墓 以上四墓二在縣西二十里大峽溝嶺岸二在縣東五里九龍灘後石子嶺

誥封奉政大夫廣西清吏司邑進士闕濟墓 在縣北二十里闕家灣左劉家冲

誥封奉政大夫鳳陽府知府邑進士闕繼宇墓 在縣西二十里龍頭堡闕家林

邑進士闕應論墓 在縣北闕家灣

南溪縣志

卷三

疆域志

三五

邑進士闕應誥墓 在縣西闕家壩

保寧府知府江寧進士李元俊墓 在縣西桂溪

橋畔三山壩

濟寧太守邑進士李文祥墓 在縣東邱家壩之

白馬灘

甘肅右僉都御史邑進士李應亨墓 在縣東邱

家壩白馬灘

陝西道監察御史邑進士李時賢墓 在縣北鳳

凰山

禮部主事邑進士李昌智墓 在縣北鳳凰山

贈太子太保榮祿大夫鎮守四川等處提督漢士

官兵總兵官侯良柱墓 在縣北五十里觀音灘

山西巡撫吏部侍郎都察院右都御史邑進士牟

志夔張夫人合墓 在縣北二十里地名小溪一

名牟坪

誥授朝議大夫雲南布政使司邑進士張闡墓

在縣北里許瑞雲山

刑部主事歷廣德州知州邑進士楊璞墓 在縣

南溪縣志

卷三 疆域志

三

東十里鷄罩山

崇祀鄉賢處士劉名未詳墓 在縣東五里石子嶺

誥授奉政大夫樊才良妻龔宜人合墓

翰林院任廣東學政樊澤達墓 以上二墓同在

縣西五十里茹溪河山岸

永寧叅將都督府侯啓勝墓 在縣西五十里杜

家壩

永寧游擊侯采墓 在縣西五十里茹溪河鐵心

橋側

